

北京圖書館 編

北京圖書館藏珍本
年譜
叢刊

北京圖書館出版社

第 71 冊



□ 北京圖書館 編

北京圖書館藏珍本
年譜叢刊

北京圖書館出版社

第 71 冊



第七十一冊目錄

周櫟園先生年譜	一
先公田間府君年譜	二一
歸玄恭先生年譜	七七
歸玄恭先生年譜	一五三
安道公年譜	二七三
顧亭林先生年譜	三八七
顧亭林先生年譜	五六三

賴古堂集附錄

年譜

明萬曆四十年壬子四月初七日子時朱太淑人生公于金陵狀元境祖居今所居宅廳事之右食舊菴即產公室也

癸丑二歲

甲寅三歲

乙卯四歲

丙辰五歲始入家塾誦讀過目不忘蒙師教誨不敢以童子視之

丁巳六歲

戊午七歲

己未八歲時經書已備誦雖未盡講述已能識聖賢大意
庚申九歲是年八月紀元泰昌

辛酉十歲是年紀元天啟

壬戌十一歲是年弟靖公生

癸亥十二歲隨封公赴浙江諸暨主簿任

甲子十三歲在諸暨時隨封公遊于五泄便知愛戀山水
過西湖舟中信筆成詩多雋句同遊見者咸驚訝之

乙丑十四歲封公為縣簿多所平反邑人見公喜曰高于

門者其在是矣封公以公事恒與令左久之左遷王府官
遂拂衣還白下公是年始與上元高康生阜羅星子耀及
族兄敏求南陵盛此公于斯輩互為師友一時聲名嘖嘖
丙寅十五歲劉通生先生設講祐國菴公每于講期潛詣
聽之數年不輟其所印證頗有心得後通生著標鮮講義
多採入集中

丁卯十六歲讀書恒以夜自更初至達旦方一休息日則
遊行登覽常謂人曰雲影天光皆是亂人心志作此等功
業須是一隙不露乃可靜悟耳

戊辰十七歲與高康生輩為文以復古自任不肯隨時

調豫章艾千子目空一世獨于公敬異之曰此道復振賴
有斯人時公始操觚選事有小題血戰之刻一時爲之紙
貴是年改元崇禎

己巳十八歲祐國庵有十八瓣青蓮時已九月葉且凋矣
同人戲語之曰子能令花復開乎公答曰予年十八花瓣
亦十八氣相合必不棄我數日果放一莖同人異之爲作
傲霜蓮花詩公作尤妙

庚午十九歲吳衆香開星社于高座寺社中惟公及餘姚
黃太冲祠城吳子遠年皆十九吳門林若撫贈詩有慈恩
他日題名處十九人中肯見容之句後公與子遠皆登第

太冲以明經終若撫老而貧公宦闔過吳門訪之而若撫以是日卒遂厚遺其子以為葬具

辛未二十歲公屢與試事咸以北籍不得入院京兆詹公大收日中完七藝列公冠軍人益忌之有計沮公公即拂衣去後公官御史中丞八座過江南沮公者尚在望見慙退

壬申二十一歲隨太封公赴汴梁視文氏長姊于密縣有遊雲巖宮同文大士姊丈詩

癸酉二十二歲在中州館祥符張孝廉林宗家教其子讀書長攔中公常言年二十二三時太封公罷諸暨歸家中

落兩親年邁以北籍沮于南試不得已走汴梁館張氏者
八載每當夜闌人靜孤燈獨照布衾如鐵念兩親在白下
身已老大無所成立不覺擣書長痛展轉無可奈何已復
拭淚誦讀日復如是故公後雖官至卿貳自奉如寒素每
謂馮淑人曰無忘長襦之苦也居恒以此責兒輩曰爾父
功名如此之難爾輩身襲溫飽乃悠悠忽忽耶

甲戌二十三歲祥符令北平孫公承澤觀風得公卷大異
之曰定非汴人公具以始末告孫公大為賞識即取以冠
軍為之延譽又捐金為公置田公有北海夫子為某買田
詩

乙亥二十四歲邑郡試俱第一遂入祥符學冬娶元配馮淑人

丙子二十五歲秋試下第

丁丑二十六歲遊于歸德有飲宋雨恭先生湖上齋詩
戊寅二十七歲

己卯二十八歲中鄉試公常言在闈中未午已完書藝從
隣號生讀其卷皆時尚之調公慨然曰是安可與若輩競
耶復更構思乃得今所傳文受知于歸德推官王公世瑒
聞墨遂為中州風氣之祖至今天下傳誦之

庚辰二十九歲中會試生第一子在浚

辛巳三十歲謁選人得山東萊州府濰縣令作濰社合萊
郡生童試之首拔十六人後以進士起家為名宦者十二
人

壬午三十一歲時天下大亂公誓歿登陴守青陽樓者半
歲城卒賴以全有已叅戎捷至雪中見無衣陴卒警至諸
詩秋鄉試分校易經房拔王公斗樞遂冠東省學士李公
呈祥推官劉公毓桂亦是科所得士是年河決汴梁親串
故人皆罹水患公遣弟靖公往視露宿河干覓其逸出者
載歸厚為存恤張孝廉林宗鑑室被難獨存一幼子公撫
之于家至己丑代 覲過汴梁始為擇配贖其田庄以授

其老僕郭明為詩記之

癸未三十二歲舉天下廉卓行取入京師維人燃香步送至德州十有餘里道中見者以為未有盛事

甲申三十三歲授浙江道試御史未十日逆瀾破京師公投繯為家人救免時傳聞上已南渡公又念太封公太淑人年邁因與張錦衣鹿徵避于浣花菴越日偕鄭中丞二陽襍難民中逸出遂間道歸白下時江南立弘光帝馬阮用事錦衣馮可宗誣公從賊羅織下鎮撫獄訊無左驗復公官馬阮又欲公劾劉公宗周始肯補用公笑謝之遂奉兩尊人棲隱于牛首幽棲間不入城郭是歲為

本朝世祖皇帝順治之元年

乙酉三十四歲王師下江南遂以御史招撫兩淮授兩淮鹽運使以原御史銜改鹽法道鹽道之設自公始

丙戌三十五歲擢布政司叅政准揚海防兵備道

丁亥三十六歲擢福建按察使由浙入豫章展鴻臚公墓遂從杉關入閩抵光澤寇亂道阻公遂于邑中蒞任任城守之責土寇李鳳毛自五都出公出奇破之十月抵邵武時盜賊蜂起水陸俱為賊踞省會音信不得達城外烽火燭天公督蒼頭奴子且戰且守城賴以全有自光澤登閩舟夜登邵武城樓諸詩是年第二子在揚生

戊子三十七歲春復在邵武叛將熊秦等謀以城應賊公探知密授計殲之五月大兵雲集路漸通公始入省受事計在邵凡七閱月有入閩紀守邵始末

己丑三十八歲以集司署理兵備海防督學三篆冬奉委代覲赴京道過白下視太封公及朱太淑人是年擢福建右布政使

戊寅三十九歲朝覲京師還白下六月還閩七月以代建南道篆赴汀州有尤難為懷詩在汀州招撫土寇曾省上游盜賊瓦解

辛卯四十歲自汀州還福州代左轄篆入閩提調秋復代

篆赴延平時邵武有叛卒耿虎之變公單騎往諭之虎降
壬辰四十一歲是年海逆鄭成功反漳泉八郡震動援勦
大兵駐師泉州時漳巡道之人巡撫張公謂公知兵多戰
功檄公往署公時在延平聞檄從金戈鐵馬中馳入彰_漳未
幾賊退保廈門漳圍解有清漳城上詩

癸巳四十二歲寇退復自漳署興泉道篆夏陞本省左布
政使是年生第三子在延

甲午四十三歲在福州秋鄉試提調擢都察院左副都御
史十月離閩冬抵白下視太封公朱太淑人

乙未四十四歲正月赴京師都察院任即疏言閩事又陳

用兵機宜六事

世祖皇帝嘉納之後俱蒙採擇行六月擢戶部總督錢法
右侍郎未幾推吏部左侍郎七月福建總督佟代疏叅公
在閩事奉

旨回奏十一月革職赴閩質審冬赴閩便還白下省兩尊
人是年生第四子在建第五子在都

丙申四十五歲正月赴閩質審秋海寇襲曾城撫軍宜永
貴以人心屬望就邸中請公為城守計以射為樓屬公公
親放大砲擊奴賊渠餘賊遁去撫軍疏聞有射為樓塘報
及紀事詩詳其事是年九月朱太淑人念公成疾卒于江

寧

丁酉四十六歲在閩實審初公未三閩奉

旨回奏解任候勘時劾公者以公身在京師方懼嚴督有
司煅煉具獄刑奴者三人及公赴閩面質事皆莫須有于
是泉州司李王仕雲延平司李吳淇滋建寧司李孫開先
福州司李田緝馨汀州司李 圖龍會審上之按察使程
之璿事乃大白時閩大旱續具雨大傾注民為作歌曰東

卷雨

戊戌四十七歲五司李既白公完集司程公上之撫軍撫
軍不敢任以前後兩獻辭入奏